

Uunga siunnersuut: Meeqqat atuarfiat pillugu Inatsisartut Inatsisaata allanngortinneqarnissaa pillugu Inatsisartut Inatsisaat

(Meeqqanut, Inuusuttunut, Ilaqutariinnut, Nunamut Namminermt, Ilinniartitaanermt, Kultureqarnermt, Timersornermt Ilageeqarnermullu Naalackersuisoq)

Saqqummiussissut**Siullermeerneqarnera**

Naalackersuisut sinnerlugit matumuuna meeqqat atuarfiat pillugu Inatsisartut inatsisaata allanngortinneqarnera pillugu Inatsisartut inatsisissaatut siunnersuut saqqummiuppara.

Naalackersuisooqatigiinnissamut isumaqatigiissummi allaqqavoq, meeqqat atuarfianni fagit ilinniartitsissutit amerlassusaat nalilersorneqassasut aamma Naalackersuisuusimasut Ilinniartitsinermt periusissiaanni allaqqavoq 2030 nallertinnagu nukarliit fagini ikinnerusuni atuartinneqartalissasut. Nukarliit ullumikkut fagini amerlavallaani atuartinneqartarnerisa kingunerisaannik ullup atuarfiusup ingerlanerani fagimiit fagimut massakkut nooqattaartoqartarpoq aamma pisariaqanngitsumik piffissaq eqqissisimanannginnerusoq ataqatigiinngitsorlu atuartitsinerup nalaani pisartoq atuuttoq, nalilersuineq taakkununga attuumassuteqarpoq. Fagit amerlasuut kingunerisinnaavaat atuartut patajaatsumik fagini pingaarnerni tunngavilerneqanngitsoornerinik. Tassani pineqarput atuartitsissutit atuartitsinermi tunngaviulluinnartutut isigineqartut, tassa siullermik pineqarlutik kalaallit oqaasii aamma matematikki.

Siunnersuut tassaavoq nukarlerni atuartitsissutit suut pingaarnernerusut pillugit naliliineq, aammalu atuartitsinerup qanoq pitsaanerusumik pingaarnersiorneqassanersut, taamaalilluni atuartitsissutini pingaarnerusuni ukkatarinninnerup angusanillu pitsaanerusunik siunertaqarluni. Peqatigisaanik atuartut atugarissaarnerat, qajannaatsuunerat inuttullu tamatigoortumik ineriartornerisa malunnaatilimmik nukittorsarnissaat kissaatigineqarpoq.

Siunnersuutip siunertaa tassunga atatillugu tassaavoq kalaallit oqaasiinik ilitsoqqussaralugu oqaatsinik ilinniartitsinerup, atuarnerup, allannerup, kisitsinerup nukittorsarnissaat kiisalu atuartitsinermi pitsaanerusumik ataqatigiinnermik, itisilerinerunissamut pitsaassutsimillu pilersitsinissaq. Tassunga atatillugu anguniagaq tassaavoq atuartut siusissukkut piginnaasanik pingaarnernik ilikkagaqarnissaat peqatigisaanillu atuarfimmi toqqissisimanerulerlutillu atugarissaarnerulerlutik.

Inatsisip allanngortinnerani siunertaq tassaavoq tamakkiinerusumik sammisumik sulinernullu qaninnerusumik atuarfimmik qulakkeerinninnissaq, atuartut nukarlerni oqaatsitigut matematikkimilu piginnaasaat nukittorsarneqarlutik peqatigisaanillu angajullerni piviusorsiorlumik kajumissaasumillu ilinniartitsinissamik neqeroortoqarluni. Kiisalu siunnersuut malittarisassanik imaqarluni atuartunut taamatut pisariaqartitsisinnaasunut

sulinermut qaninnerusumik atuarsinnaaneq periarfissaalersillugu. Tassani pineqarpoq siunnersuummi siunertaq pillugu Naalakkersuisunut qinnuteqarnerup kingorna inuussutissarsiorneq pillugu klassinik inuussutissarsiornermut sammisumik ingerlataqarnissamik kommunit neqerooruteqalersinnaallutik.

Siunnersuut aamma maluginiarneqangaatsiarpoq, ilaatigut tusagassiorfinnit aamma tusarniaanerup nalaani malunnaatilinnik allannguutinik arlalinnik kinguneqarluni kiisalu siunnersuutip tusarniutigineqarneranik Naalakkersuisut sivitsuillutik pingaarnertut suliaqartartunik arlalinnik pissarsiffiusumik ataatsimiinnernik arlalinnik kinguneqartitsilluni.

Taamatut oqaaseqarlunga aalajangiiffigisassatut siunnersuut Inatsisartunut oqallisigisassanngorlugu ingerlateqqippara.